



Pou Piblikasyon Imedya: 05/05/2021

GOUVÈNÈ ANDREW M. CUOMO

## GOUVÈNÈ CUOMO ANONSE BROADWAY PRAL RE-OUVRI PÒT LI KONPLÈTMAN SEPTANM SA A

*Apati 6 me ak pandan tout mwa me a, biyè Broadway yo pral alavant pou espektak k ap kòmanse 14 septanm nan*

*Biyè yo pral disponib nan 100% kapasite teyat la*

*Pwodiksyon yo, teyat yo, ak patisipan yo sijè a konsèy sante eta a*

Jodi a Gouvènè Andrew M. Cuomo te anonse ke Broadway pral re-ouvri pòt li konplètman an septanm sa a, an akò ak konsèy sante ak sekirite Eta a. Apati 6 me, ak nan pandan tout mwa me a, tikè pou espektak Broadway yo - k ap kòmanse 14 septanm 2021an - yo pral disponib pou vann nan 100 poustan kapasite teyat la. Anons jodi a apiye re-ouvèti sit pèfòmans atistik ak lwazi an kapairèk yo ki te nan kapasite limite mwa pase a epi prepare sèn nan davantaj pou espektak Broadway la retounen nan teyat pandan tout sezon otòn lan.

"Broadway nan nwayo idantite New York nou an, ak yon gwo pati nan ekonomi nou an ki anplwaye yon kantite pèfòmè ak kreyatè espektak ke ou pa ka fin konte, epi apati septanm sa a, espektak la pral kontinye", **Gouvènè Cuomo te deklare**. "Vizitè ki soti toupatou nan mond lan konn vini nan New York pou fè eksperyans ak atizay ak kilti ak wè pèfòmans anblematik nan Broadway la, e Malerezman, pandemi an mete eksperyans inik New York sa a sou poz. Erezman, menm jan nou kontinye kontwole done yo ak re-ouvri ekonomi nou an, kounye a nou sou bon wout pou pèmèt pèfòmans nan kapasite konplè nan Broadway k ap rekòmanse apati septanm sa a, sa k ap retounen ak atraksyon mondyal ki pi popilè sa a ke moun yo renmen anpil la."

**Prezidan Lig Broadway la, Charlotte St Martin, te deklare**, "Nan non prèske 100,000 moun ki travay nan Broadway la - sou sèn, an koulis, ak nan tout vil la ak eta a - nou satisfè anpil akoz sipò Gouvènè Cuomo jodi a. Redemare Broadway se yon jefò ki konplèks, ki egzije delè ki long pou pwodiksyon ak nesesite pou rekonekte ak yon odyans soutni ki soti nan tout peyi a ak atravè mond lan. Fevè Gouvènè jodi a pou mete espetak nou yo alavant kounye a pou otòn lan enpòtan anpil pou siksè nou. Broadway se batman kè nan touris NYC a epi nou pa ka tann pou kilè pou jou a rive lè kè nou pral bat devan yon odyans ki ranpli ak jwa an dirèk".

**Sarah Bareilles, chantez, konpozitris chan, aktris ak konpozitris ak pawolis (liris) pou endistri mizik Waitress Broadway la, te deklare**, "Kominote a Broadway ak rejiman fanatik li yo gen yon bagay yo selebre! Nouvèl nou t ap tann lan finalman rive. Disi sezon otòn lan, sa pral fè prèske 18 mwa ki pase depi aktè, mizisyen ak manm ekipaj parèy mwen yo te kapab fè sa nou renmen pi plis la: pèfòme an dirèk nan yon teyat ki plen ak odyans New York. Se moman pou nou retounen nan travay, e mwen pa ka rete tann pou mwen tounen sou sèn nan trè byento. Pa gen anyen ki ka bat Broadway epi li ap vini pi fò pase anvan an".

Eta a pral kontinye travay sere ak patnè endistri Broadway yo pou planifye yon retou eksperyans kiltirèl klas mondal sa a san danje, ak yon fason ki reyisi. Kòm kondisyon sante publik ak konsèy Eta a pou pèfòmans atistik ak lwazi an dirèk yo chanje, moun ki gen enterè nan Broadway yo pral rete fleksib ak adapte ak pwotokòl sante ki aplikab yo, tankou kouvèti vizaj depistaj sante, filtrasyon lè ak vantilasyon amelyore, ak netwayaj ak dezenefeksyon solid.

Disponibilite tikè ki alavant davans ak maketin pou espektak yo kòmanse pwosesis plizyè mwa pou re-ouvèti nan kapasite konplè a, sa k ap bati momantòm pou kenbe anpil kous Broadway yo ki long epi ki pote siksè. Gouvènè a, Depatman Sante (Department of Health, DOH) a, Empire State Development ak patnè ajans Eta yo rantre nan endistri a epi angaje yo pou kreye anviwònman ki san danje epi ki an sante pou odyans lan, pèfòmè yo, ak anplwaye yo jwi, pèfòme, ak travay. Si pèfòmans yo dwe ranvwaye akoz kondisyon sante publik yo, teyat yo deja planifye pou ofri ranbousman ak echanj politik ki pratik pou kliyan yo.

Pou sipòte endistri pèfòmans lan nan Vil New York, bidjè Ane Fiskal 2022 yo te adopte a te enkli 1 milya dola nan Sekou pou Ti Biznis ak Atizay epi Asistans pou Rekiperasyon (Small Business and Arts Relief and Recovery Assistance), ki gen ladan [Pwogram Kredi Taks pou Pwodiksyon Mizik ak Teyat nan Vil New York](#) (New York City Musical and Theatrical Production Tax Credit Program) ki bay jiska 100 milyon dola nan kredi taks yo pou relanse endistri a ak revitalize touris nan Vil New York. Dapre pwogram sa a, pwodiksyon ki gen premye pèfòmans yo ki pwograme jiska desanm 2022 elijib pou yo gen yon kredi 25 poustan nan depans ki elijib yo.

Anvan pandemi an, prèske 250,000 moun te wè yon espetak Broadway chak semèn. Broadway sipòte prèske 97,000 djòb lokal yo epi kontribye apeprè 14,7 milya dola chak ane nan ekonomi Vil New York la. Pou plis enfòmasyon, tanpri vizite Lig Broadway la, asosyasyon komèsyal endistri a, nan sit entènèt yo: [www.broadway.org/](#).

###

Lòt nouvèl disponib sou sit [www.governor.ny.gov](#)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418

[ANILE ENSKRIPSYON OU](#)